

ESTABLEZIMENDU TURISTIKO HARTZAILEEN INKESTA (ETHI) 2003ko ASTE SANTUA

2003ko Aste Santuan bidaiarien sarrerak %8 gehiago izan dira 2002koan baino

Bidaiarien gehikuntzarik handiena Gipuzkoan (%14) izan da, ondoren Bizkaian (%4), eta Araban (%-1), ostera, apur bat jaitsi da.

2003ko Aste Santuan, 55.138 bidaiari-sarrera erregistratu dira, aurreko urteko aldi berean baino %8 gehiago, EUSTATEk eskainitako datuen arabera. 2002ko eta 2003ko datuen arteko konparazio-kalkuluak egiteko, Aste Santua modu honetan definitu dugu: Aste Santuko astelehenetik Pazko-asteko ostirala arteko egunak, biak barne, hartzen ditu Aste Santuak, hau da, guztira 12 egun, turismo-sektoreko eragileekin adostutakoaren arabera.

Horrela, 2003an, 4.000 bidaiari-sarrera inguru gehiago izan dira iaz baino; estatuko bidaiariak %6 gehitu dira eta atzerrikoak %14. Aste Santuan, bidaiarien kopurua Gipuzkoan gehitu da nabarmenen eta urte arteko %14ko gehikuntza izan du. Ondoren, Bizkaian %4 gehitu dira eta Araban, berriz, %1eko jaitsiera arina izan da.

2003ko Aste Santuan, 103.764 gaualdi erregistratu dira, hau da, iaz baino 6.000 gaualdi gehiago eta %6ko gehikuntza. %14 igo dira gaualdiak Gipuzkoan, %2 Bizkaian eta %6 jaitsi dira Araban.

Bidaiarien batez besteko egonaldia, beraz, apur bat laburtu eta 2002ko 1,91 egunetik aurtengo 1,88 egunera pasa da.

Plazakako betetze-maila nabarmen jaitsi da Araban (ehuneko 11 puntu) eta apur bat gutxiago Bizkaian (ia hiru puntu), baina Gipuzkoan hobetu egin da aurreko egoera (ehuneko 5 puntu gehiagorekin %48,8tik %53,7ra pasa da). Argi dago betetze-maila bi faktoreren mende dagoela: batetik, gaualdi-kopurua eta bestetik, eskainitako plaza-kopurua. Azken horiek, bilakaera positiboa izan dute azken aldian eta Araban eta Bizkaian gehitu dira batez ere.

Nekazalturismoa: 2003ko Aste Santuan bidaiarien sarrerak (%21) eta gaualdiak (%10) ere gehitu egin dira.

2003ko Aste Santuan, nekazalturismoko establezimenduetan, 4.140 bidaiari-sarrera zenbatu dira, aurreko urtekoan baino %21 gehiago. Urte arteko gehikuntzak Gipuzkoan (%42) eta Araban (%11) izan dira, baina ez Bizkaian, %1 gutxitu baitira. Euskal AEko guztizkoan estatuko bisitariak gehitu egin dira eta atzerrikoak, berriz, gutxitu, Gipuzkoan izan ezik.

Nekazalturismoaren sektorean 11.434 gaualdi egin dituzte, 2002ko Aste Santuan baino %10 gehiago; Gipuzkoan (%22) eta Bizkaian (%6) gehitu egin dira, baina jaitsi egin dira Araban (%-10).

Bidaiariko batez besteko egonaldia 3,02 egunetik 2,76 egunera laburtu da Euskal AEko guztizkoan eta plazakako betetze-maila ehuneko puntu bat hobetu da (%1).

Argibide gehiagorako:

Euskal Estatistika-Erakundea / Instituto Vasco de Estadística

Donostia-San Sebastian kalea, 1 01010 Vitoria-Gasteiz

Tlf:+34-945-01 75 00 Faxe:+34-945-01 75 01 E-maila: eustat@eustat.es

Harremanetarako pertsona: Gerardo Perez Aja

Tlf:+34-945-01 75 06 Faxe+34-945-01 75 01

Prentsa oharrak Interneten: www.eustat.es

Taula: Aste Santuko emaitzak 2002-2003

EUSKAL AE			ARABA			BIZKAIA			GIPUZKOA					
2002	%	2003	%	Δ%	2002	%	2003	%	Δ%	2002	%	2003	%	Δ%

HOTEL-ESTABLEZIMENDUAK

BIDAIARI-SARRERAK	97.647	103.764	6	17.536	16.544	-6	34.786	35.531	2	45.325	51.689	14
Estatukoak	74.414	77.702	4	13.516	13.231	-2	24.886	25.117	1	36.012	39.353	9
Atzerrikoak	23.233	26.062	12	4.020	3.313	-18	9.900	10.413	5	9.313	12.336	32
GAUALDIAK	51.209	55.138	8	8.849	8.791	-1	18.832	19.538	4	23.527	26.809	14
Estatukoak	37.377	39.434	6	6.938	6.804	-2	12.835	13.508	5	17.603	19.122	9
Atzerrikoak	13.832	15.704	14	1.911	1.987	4	5.997	6.030	1	5.924	7.687	30
BATEZ BESTEKO EGONALDIA	1,91	1,88	0	1,98	1,88	0	1,85	1,82	0	1,93	1,93	0
PLAZAKO BETETZE MAILA	46,79	46,00	-1	53,42	42,85	-11	41,91	39,16	-3	48,81	53,72	5

NEKAZALTURISMOA

BIDAIARI-SARRERAK	10.357	11.434	10	2.024	1.826	-10	3.409	3.601	6	4.924	6.006	22
Estatukoak												
Atzerrikoak												
GAUALDIAK	3.429	4.140	21	706	787	11	1.205	1.190	-1	1.519	2.163	42
Estatukoak												
Atzerrikoak												
BATEZ BESTEKO EGONALDIA	3,02	2,76	0	2,87	2,32	-1	2,83	3,03	0	3,24	2,78	0
PLAZAKO BETETZE MAILA	42,07	43,21	1	43,82	38,12	-6	42,20	41,77	0	41,30	46,02	5

Iturria: EUSTAT